



‘Akaputu’anga no te ‘apinga ‘Anga’anga

‘Akako’u’anga - Overview

Kua akaari mai te ‘akamārama’anga o te kimi pū’apinga e ko te “akaputu’anga “apinga ‘anga’anga a te kavamani i te tuātau i topa ei te tūranga kimi pū’apinga ki raro ka riro te reira ei vāitoanga meitaki no te ‘akaiti i te ‘akatūkia o te tūkai ki runga i te tu’anga kimi pū’apinga. E kimi’anga rāvenga teia e tā’anga’anga’ia ana e te Kavamani e pini uake teia nei ao, mei ia Aotearo’a e te Kavamani Autireria e ‘akaputu nei, ara atu i te tai pirioni tārā ki roto i te ‘akaputu’anga ‘apinga ‘anga’anga no te ‘akapō’itirere’anga a te Kōviti 19.

I roto i te mataiti 2021 kua tuku mai te Kavamani Kūki ‘Airani i tētai ‘akakite’anga no te Parāni ‘akaputu’anga “apinga a te ipukarea(NIIP). Ka aka’ōu ua rai te NIIP i te ‘akakoro’anga tumu ki roto i te “akaputu’anga “apinga ‘anga’anga a te Kavamani e ka ‘akakite mai i te au ‘anga’anga mama’ata te ‘inangaro’ia kia raveia i roto i te nga’uru mata’iti, mate ‘ōronga mai i tēta’i ‘akapapa’anga o te au ‘anga’anga mama’ata e te au ‘apinga ‘anga’anga te ka anoanoia.

Ko te i’oanga i te meitaki o te kimi pū’apinga i roto i te tuātau poto e te tūpoto, ka ‘ātui’ia te reira ki teia au ‘anga’anga mama’ata ei ‘akakite’anga e ko tē’ea te ka ‘ōronga viviki mai i te meitaki na roto i te ngai ‘anga’anga na te iti tangata Kūki ‘Airani, me kare i te apai mai i te aronga ‘anga’anga mei vao mai i te akama’ata atu i te nūmero tangata i roto nei i te Kūki ‘Airani na roto i te meitaki o te tuātau tūpoto e te au tu’anga ‘anga’anga kimi pū’apinga.

Ko te tūtaki’anga o teia au ‘anga’anga mama’ata no roto mai te reira i te vairanga moni a te Kavamani Kuki Airani e pērā te moni ‘anga’anga ka piri katoa mai te moni kaio’u, me kare te au pātana tauturu e pera te Moni ‘apinga ‘anga’anga kapiti a Aotearo’a e te Kūki ‘Airani.

Te Ata - Context

Ka ‘akatupu te “akaputu’anga “apinga ‘anga’anga i te meitaki tūpoto na roto i te ‘akama’ata’anga i tē ka rauka mai no roto i te tu’anga kimi pū’apinga na roto i te mā’ani’anga i te au ‘apinga ‘anga’anga ei tu’anga ki roto i te tu’anga kimi pū’apinga mei te au pītiniti kāre i raro ake i te ‘akaterē’anga a te Kavamani e te au tangata tātākita’i e oronga ana i te ropianga tuketuke tei riro ei tā’anga’anga i te iti tangata. I te reira ‘ati’anga katoa ko te mā’ani’anga o te au ‘apinga ‘anga’anga ka anoanoia te aronga ‘anga’anga tuātau poto no te akatū i te reira. E no te reira ka akatupu te ‘akaputu’anga ‘apinga ‘anga’anga i te ngai ‘anga’anga tuātau poto e pērā katoa i te akama’ata i te aronga angaanga tuātau tūpoto. Mei te mea e ka rava te aronga ‘anga’anga e ka

rauka mai te meitaki e mānganui, ko te moni tauturu i reira ta te Kavamani i oronga ki roto i te tu'anga 'apinga 'anga'anga ka riro ei meitaki no te tuātau 'akamātūtū.

I 'akaputu ana te CIG i roto i te 'apinga 'anga'anga no tēta'i nga'uru mataiti inara i te mea oki e, e tu'anga enua kimi pū'apinga meangiti ua to tātou e tei irinaki ma'ata ki runga i te tu'anga tūroto e ma'ata i reira te "akaputu'anga 'apinga 'anga'anga te ka anoano'ia no te tauturu i te Bāsileia mei tei 'akakite'ia ki roto i te NIIP.

Ko te 'iki'anga i te 'anga'anga mama'ata tau ka akatupu te reira i te ngai 'anga'anga tuātau poto te ka tā'anga'anga i te iti tangata Kūki 'Airani e te mou katoa i to tātou nūmero tangata, e ka akaoki katoa mai i to tātou iti tangata mei vao mai ki te ipukarea me kare ka akameitaki atu i te tu'anga 'anga'anga na roto i te apai'anga mai anga i te aronga 'anga'anga pōrena. Ko teia au 'anga'anga mama'ata e te aronga 'anga'anga ka oko ratou i te au 'apinga no ko i te au pītiniti Kūki 'Airani te ka riro ei meitaki no te katoatoa.

I te pū'apinga e toto'a ra, e tikaanga manea katoa teia no te au pītiniti i te atui ki roto i te māketē, e ka ma'ata atu te au ngai 'anga'anga ka rauka mai, e ka riro ei meitaki no tēta'i au pītiniti kekē e pera te iti tangata.

Kua riro te tamanamanata ta te Kōviti 19 i akatupu i te tu'anga kimi pū'apinga i te akaiti i te moni ko'i a te Kavamani, tei riro i te 'akatūkia i te tu'anga moni tei akakoro'ia ei 'akaputu no te 'apinga 'anga'anga, no runga i te au tumu tei tāiku'ia i runga nei, e mea pū'apinga kia raveia atu rai teia au "akaputu'anga.

Kua aiteite katoa te ara-'anga'anga a te ERR, e 'ākara nei i te tumu e iti nei te nūmero tangata, 'ē i runga atu i teia i te akama'ata aka'ōu i te nūmero tangata. Ko te tu'anga 'anga'anga e te porokarāmu numero tangata kare te reira e riro ana i te rapakau i te numero tangata i roto i te tu'anga 'akatū are, inara e 'ātuituianga tēta'i ka rauka mai no roto i teia au porokarāmu. Mē kā tika, 'ākara ki te tātāanga porokarāmu ERR no runga i te aronga 'anga'anga e te tārē tangata me ka anoano mārama koe no runga i teia tāpura.

Te Kōtinga o te Moni e te Aronga 'anga'anga - Fiscal and Labour Limitations

I teia nei te 'anga'anga nei te CIG i raro ake i tēta'i tu'anga moni ko'i 'akaiti'ia no te 'akatūkia'anga ta te maki Kōviti i 'akatupu, e kua irinakiia e ka oki mai teia moni ko'i a teia au mataiti ki mua, ko te 'akatano'anga i ta tātou kaio'u ka kake ma'ata te reira i te toenga o teia nga'uru mataiti e tū mai nei me aruia te tāmānako'anga o teia tuātau. Ka riro teia i te arataki i te Kavamani kia tā'anga'anga matakite i te moni i teia tuātau pāpūkore. Mē kā tika 'ākara ki te tātāanga porokarāmu ERR no runga i te 'akaterē'anga i te Kaio'u a te katoatoa me ka anoano mārama koe no runga i teia tāpura

E iti ua te aronga 'anga'anga i roto nei i te Kuki Airani e mei te reira katoa i mua ake ka tupu ei teia maki rikarika e kua akatūkia te reira i to tātou tūranga no te akakeu i te au 'apinga 'anga'anga mama'ata. Kua kino atu to tātou no te aronga 'anga'anga maroiroi tei 'akaruke atu i teia tuātau moni kore. Ko tei tupu, kāre e rava ana te aronga 'anga'anga e te au pākau 'anga'anga te ka piri atu ki roto i te 'akaputu'anga 'apinga 'anga'anga, e ko tona aiteanga e iti ua te au 'anga'anga mamata ka rauka i te rave e te tūtaki e auraka katoa e akateimaa i te tu'anga 'akatū.

Me kāpiti'ia te 'akakōtinga'anga moni e te aronga 'anga'anga ka 'akakeu te reira i te parāni matakite o te 'apinga 'anga'anga te ka 'akatinamou ki runga i te 'akatūkia o te tu'anga 'anga'anga

poto e te meitaki no roto i te tu'anga kimi pū'apinga e te moni te ka oki mai ki roto i te pūtē moni tei 'akaputuia. I te mea oki e te anoanoia nei te moni kaio'u e te moni tauturu no vao mai ei tauturu i te 'akapou'anga 'akatere a te Kavamani e pera te 'akaputu'anga 'apinga 'anga'anga, ko te tāmānako'anga no te tūtaki'anga i te meitaki o teia au 'anga'anga mama'ata ka 'inangaro'ia kia taka meitaki te 'akakoro'anga o te 'akaputu'anga.

Kapiti katoa atu i te reira, ko te moni kaio'u, te moni tauturu nō vao mai ka anoano'ia kia āru'ia te au taka'i'anga e 'akatika'ia ai e te kopapa oronga me kare te tangata oronga, e pakari te ture no te 'akatika'anga e te au taka'i'anga no te rīpōti'anga me kare te akakōtinga'anga ki te runga i te tā'anga'anga o te moni tauturu. No teia , ka 'inangaro'ia te porokarāmu 'akaputu no te 'apinga 'anga'anga kia akatanotano meitakii no te tā'anga'anga i te moni a te CIG e te moni tauturu (me kare te moni kaiou) nō va'o mai

Te 'Anga'anga - Project

Ko te ara-angaanga o te 'akaputu'anga no te 'apinga 'anga'anga i roto i te aranui akamātūtū kimi pū'apinga kare te reira i te tu'anga 'anga'anga 'okota'i. E kaveinga ma'ata a ia ki roto 'akatu'a'angā moni a te Kavamani no te 'akaputu'anga 'apinga 'anga'anga no te au tu'anga 'anga'anga mama'ata tei tau ki raro ake i te 'akapapa'anga i runga nei, e pera katoa i te akakeu'anga kia ma'ata te au ngai 'anga'anga ma te kore e tāmānāmanatā i te i te aronga 'anga'anga e 'anga'anga nei.

Ko te 'āite'anga o te tūkai i roto i te tūranga aronga 'anga'anga koia oki me rave'ia tēta'i au 'anga'anga mama'ata i te taime 'okota'i, kare te reira i te mea tau, no reira ka 'inangaro'ia kia kā'iro'ia te 'anga'anga mama'ata e te au mea rikiriki. Ko te taka'inga mua koia oki ko te 'ākara'anga i te au 'anga'anga mama'ata a te NIIP kia rauka i te kite e ko tē'ea te ka 'ōronga mai i te meitaki poto e te tūpoto e te au tāmānako'anga. Ko te au 'anga'anga mama'ata, ara atu i te (10mirioni) ka 'ākara mataio'ia te reira, mei te ngā'i vairanga repo tangata, te au 'ana e te akamanae anga i te taoni i Avarua,

Ko teia tēta'i au tu'anga 'anga'anga mama'ata i tamanakoia:

1. Mei te Vai Ki te Vai (Te akameitakianga i te ngai vairanga repo i Muri)
2. Vaikapuangi (Ngutuare Kavamani)

Ka akatupu teia tu'anga 'anga'anga mama'ata i tēta'i au ngai 'anga'anga e mānganui e, e pū'apinga poto e te tūpoto to rāua, inārā e āka 'akapu'anga to runga i teia nga 'anga'anga(ara atu i te 50 mirioni) te ka aru i te au taka'i'anga akatū ngatā e te parāni mātūtū.

Ko te au akatikatikaanga no te tūtakianga i te 'akaputu'anga 'apinga 'anga'anga ka na roto mai te reira i te 'Akano'o'anga Tarai Vaka a te Kavamani, e ko te moni tauturu ka rauka mai na roto i te kaio'u me kare te tu'anga moni tauturu mei te Kopapa moni 'akaputu no te 'apinga 'anga'anga ko te akatikaanga takakē e te akatereanga i te 'anga'anga na te putuputuanga 'ōronga me kare te tangata oronga te reira e pati.

'Ātuitui'anga - Engagement

Ko teia 'anga'anga ka akatereia te reira e tēta'i au tu'anga o te Kavamani koia ko te :

1. Te Mato Vairanga Mou o te Kūki 'Airani e te Kūmiti 'Akapū'apinga
2. Te Tango 'Anga'anga

3. Te Tango 'Akatere'anga Moni o te Ipukarea

Kua na roto te NIIP i tēta'i 'uri'uri'anga manako pakari ki te iti tangata no te te'ate'amamao i te kaveanga karere meitaki ki te au tu'anga parāni 'akatū o te Kuki Airani.

Ka 'anga'anga kapiti uātu rai te Kavamani ki te Te Manatu o Tawahi o Aotearo'a na roto i te Kūmitiona Ngāteitei o Aotearo'a i te Kuki Airani nei no te tu'anga moni tauturu na roto i te Kōpapa moni Tauturu i te Tu'anga Akatū.

Te Akapou'anga - Estimated Cost

Ko te 'akapou'anga ka āru'ia te reira nā runga i te 'akataka'anga o te 'anga'anga te ka raveia i te tuātau 'ākarakaraanga e pērā te akatikaanga. Ka rīpōti'ia teia na roto i te tāmanako'anga 'akapapa'anga moni ki roto i te 'Akapapa'anga 'Akapou'anga me kare te 'Akapapa'anga Akapū'apinga Tau.

For further information contact

Economic Planning Division

Ministry of Finance and Economic Management

PO Box 120, Avarua, Rarotonga, Cook Islands

Telephone: +682 29511 ext. 7208

Email: mfem.economics@cookislands.gov.ck

Website: www.mfem.gov.ck

Disclaimer

While all care has been taken to ensure that information contained in this publication is true and correct at the time of publication, changes in circumstances after the time of publication may impact on the accuracy of the information. The Government of the Cook Islands gives no warranty of assurance and makes no representation as to the accuracy of any information or advice contained in this publication, or that it is suitable for your intended use. You should not rely upon information in this publication for the purpose of making any serious, business or investment decisions without obtaining independent and/or professional advice in relation to your particular situation. The Government of the Cook Islands disclaims any liability or responsibility or duty of care towards any persons for loss or damage caused by any use of reliance on the information contained in this publication.